

摘藻堂四庫全書薈要

集部

欽定四庫全書薈要

集部  
劔南詩藁卷一


詳校官助教臣謝登雋



欽定四庫全書薈要

劍南詩橐

提要

  
臣等謹案劍南詩橐八十五卷宋陸游撰游  
仕履詳渭南文集提要中此橐為其子虞所

編稱劍南者游嘗官劍南樂其風土有終焉  
之志故以名其詩集也南渡後詩家游與范  
成大得聲最盛成大帥成都游為幕僚吟詠

相契以文字交不拘禮法而游詩春容超逸  
之致實非成大所及

御選唐宋詩醇於宋祇取兩家而以游與蘇軾並  
登洵其為大家矣乾隆四十三年二月恭校  
上

總纂官

臣紀昀臣陸錫熊臣孫士毅

總校

官

臣

陸

費

墀

欽定四庫全書薈要卷一萬五千四百九十一

集部

劍南詩藁卷一

宋 陸游 撰

別曾學士

兒時聞公名謂在千載前稍長誦公文雜之韓杜編夜  
輒夢見公皎若月在天起坐三歎息欲見亡繇緣忽聞  
高軒過驩喜忘食眠袖書拜轅下此意私自憐道若九  
達衢小智忘鑿穿所願瞻德容頑固或少痊公不謂狂

踈屈體與周旋騎氣動原陞霜日明山川匏繫不得從  
瞻望抱悵悵畫石或十日刻楮有三年賤貧未即死聞  
道期華顛他時得公心敢不知所傳

送仲高兄宮學秩滿赴行在

兄去游東閣才堪直北扉莫憂持橐晚姑記乞身歸道  
義無今古功名有是非臨分出苦語不敢計從違

題閻郎中溧水東臯園亭

省中地禁清晝長侍史深注黨籠香榮名挽公公不住

東臯歸去栽花忙，  
氍毹華髮映朱紱。  
同舍半已排雲翔，  
正如少陵入嚴幕。  
本自不用尚書郎，  
向令封侯佩金印。  
不然草詔直玉堂，  
萬鍾會作夢幻過。  
三徑空嘆松菊荒，  
樂天十年履道宅。  
贊皇一夕平泉莊，  
公看富貴定何物。  
一笑乃復坐此妨，  
東臯樂哉日成趣。  
簪花起舞當自強，  
知公能容賤子狂。  
請賦式微之二章。

和陳魯山十詩以孟夏草木長  
遶屋樹扶疎為韻  
言語日益工，  
風節顧弗競。  
杞柳為栝櫟，  
此豈真物性。  
病

夫背俗馳梁甫時一詠奈何七尺軀貴賤視趙孟

又

唐虞亦人耳四海可高謝哀哉斗升故諂妄兩憑架心  
明物自賓能整故能暇會當棄人事面壁度九夏

又

大父昔在朝騰上唯恐早淡然清班中灰寒而木槁議  
論主中和人才進者老至今下馬墳不生刺人草

又



櫻酪事已過角黍配夏熟尚憶少小時綵縷繫腕玉比  
生本幻戲衰態轉眼足三郎老無憀始解歎絲木

又

門無容車高庭止旋馬廣富貴固易耳正恐卿慙長時  
情競脂韋家法獨骭髀靜處看紛紛桔槔勞頽仰

又

至人貴其身不使事物遠捐身易富貴明珠彈飛鳥我  
願稱善人題作墓上表從來尺鷃樂不羨飛鴻矯

又

匆匆過三十夢境日已感誰知歎亡羊但有喜得鹿本  
來亦何面認此逆旅屋逢人吹布毛出世不忍獨

又

杜門殊省事百巧輸一麤燒香淨埽地袖手了朝莫君  
看瓦樞手端自勝金注塵機早見貸不待雞竿樹

又

萬物備於我本來無欠餘寒儒可憐生西抹復東塗斯

文如大厦傾壞要力扶犬子真鼠輩辛苦賣子虛

又

風花憐寂莫起舞為我娛舉酒謝風花吾道殊不疎汝  
開何自有汝落何自無居然會此理吾汝皆如如

看梅絕句

梅花宜寒更宜陰摩挲拄杖過溪尋幽香著人索管領  
不信如今鐵石心

又

梅花樹下黃茆丘古人尚能愛花不月淡煙深聽牧笛  
死生常事不須愁

又

荒陂十畝浴鳬鴨折葦枯蒲寒意深何處得船滿載酒  
醉時繫著古梅林

又

一物不向胃次橫醉中談謔坐中傾梅花有情應記得  
可惜如今白髮生

又

老子舞時不須拍梅花亂插烏巾香尊前作劇莫相笑  
我死諸君思此狂

春晚簡陳魯山

春工我輩人可許不待面欲老更增奇原野紅綠遍向  
來苦摧傷零雨雜飛霰豈知袖此手天定乃徐見吾齋  
萬花間輕衫稱團扇飛花點書冊戲蝶遊几研吾衰未  
忘情小句亦倩絢持問陳元龍試乞語一轉

寄酬曾學士學宛陵先生體比得書云所寓廣教  
僧舍有陸子泉每對之輒奉懷

庭中下午鵲門外傳遠書小印紅屈蟠兩端黃蠟塗開  
絨展矮紙滑細疑卵膚首言勞良苦後問逮妻孥中間  
勉以仕語意極勤渠字如老瘠竹墨淡行疎疎詩如古  
鼎篆可愛不可摹快讀醒人意垢癢逢爬梳細讀味益  
長炙轂出膏腴行吟坐卧看廢食至日晡想見落筆時  
萬象聽指呼亦知題詩處綠井石髮麤公閒計有客煎

茶置風爐倘公無客時濯纓亦足娛井名本李疵思人  
理豈無居然及賤子媿謝恩意殊幾時得從公舊學鋤  
荒蕪古文講聲形誤字辨魯魚時時酌井泉露芽奉瓢  
盂不知公許否因風報何如

### 夜讀兵書

孤燈耿霜夕窮山讀兵書平生萬里心執戈王前驅戰  
死士所有恥復守妻孥成功亦邂逅逆料政自疎陂澤  
號飢鴻歲月欺貧儒歎息鏡中面安得長膚腴

二月二十四日作

棠梨花開社酒濃南村北村鼓鑿鑿且祈麥熟得飽飮  
敢說穀賤復傷農崖州萬里竄酷吏湖南幾時起卧龍  
但願諸賢集廊廟書生窮死勝侯封

送曾學士赴行在

二月侍燕觴紅杏寒未折四月送入都杏子已可摘流  
年不貸人俯仰遂成昔事賢要及時感此我心惻欲書  
加餐字寄之西飛翮念公為民起我得怨乖隔搖搖跂



前旌去去望車軌亭郵鬱將莫落日澹陂澤敢忘國士  
風涕泣效臧獲敬輸千一慮或取二三策公歸對延英  
清問方側席民瘼公所知願言寫肝膈向來酷吏橫至  
今有遺螫織羅士破膽白著民碎魄詔書已屢下宿蠹  
或未革期公作醫和湯劑窮絡脉士生恨不用得位忍  
辭責併乞謝諸賢努力光竹帛

霽夜觀月

雲重真愁無散時可憐不奈一風吹清輝如此那休得

誰悞虛空作許癡

新夏感事

百花過盡綠陰成  
漠漠爐香睡晚晴  
病起兼旬疎把酒  
山深四月始聞鶯  
近傳下詔通言路  
已卜餘年見太平  
聖主不忘初政美  
小儒唯有涕縱橫

留題雲門草堂

小住初為旬月期  
二年留滯未應非  
尋碑野寺雲生屨  
送客溪橋雪滿衣  
親滌硯池餘墨漬  
卧看爐面散煙霏

他年遊宦應無此早買漁蓑未老歸

送韓梓秀才十八韻

束髮走場屋始得從君遊燈火都城夜風雨湖上秋追  
隨不隔日巖壑窮探搜摩挲石屋背搖兀閤門舟酒酣  
耳頰熱意氣益九州夜卧相蹋語狂笑雜嘲謳但恐富  
貴逼肯懷貧賤憂人事信難料百戰竟不侯我老農圃  
間君落天南陬相逢會稽市感歎歲月遒君從上都來  
倘逢舊朋儔我窮本天命於人寧有求但念侯君房不

知尚癡不君聞拊手笑怪我狂未瘳共談平生舊只欲  
苦死留如何忽決去病瘡送無由秋風墜桐葉新霜犯  
貂裘君聽馬蹄聲中有千里愁

送陳德邵宮教赴行在二十韻

相從何必早白頭或如新登門雖尚疎數面自成親昨  
者始見公凜然鬚如銀敗席留煮茗寒廳無雜賓平生  
事賢意寸心渴生塵樂哉得所從貧病忘吟呻恭惟大  
雅姿信是邦國珍廣文舊官長二紀轉鴻鈞恩仇快報

復禍福出笑顰同舍事容悅腰佩玉麒麟羣諛更得志  
後來如積薪於時公淡如位屈道則伸法宮親決事收  
召極海濱人才方雜沓公仕益逡巡欲以貴祝公公豈  
慕要津欲以窮託公公豈私賤貧頗欲述古誼勸公勿  
愛身此又公所存豈待賤子陳高騁泊江渚歲晚風雨  
頻願言添衣裘寒陰能薄人

晚泊慈姥磯下

山斷峭崖立江空翠靄生  
漫多來往客不盡古今情  
月

碎知流急風高覺笛清兒曹笑老子不睡待潮平

又

慈姥磯頭月纖纖照酒盃素秋風露重久客鬢毛催宿  
鳥驚還定飛螢闔復開平生四方志老去轉悠哉

寄陳魯山

陳時調  
官都下

諸公貴人識面稀胸中璀璨漫珠璣即今舉手遮西日  
應有流塵化素衣舊學極知難少貶吾儕持此欲安歸  
夜來風雨空堂靜忽憶燈前語入微

又

天下無虞國論深書生端合老山林平生力學所得處  
政要如今不動心舊友幾年猶短褐謫官萬里少來音  
願公思此寬羈旅靜勝炎曦豈易侵

戲題江心寺僧房壁

史君千騎駐霜天主簿孤舟冷不眠也與史君同快意

卧聽鼓角大江邊

是夕新永嘉  
守亦宿此寺

泛瑞安江風濤貼然

俯仰兩青空舟行明鏡中蓬萊定不遠正要一颿風

平陽驛舍梅花

江路輕陰未成雨梅花欲過半沾泥遠來不負東皇意  
一絕清詩手自題

渡浮橋至南臺

客中多病廢登臨聞說南臺試一尋九軌徐行怒濤上  
千艘橫繫大江心寺樓鐘鼓催昏曉墟落煙雲自古今  
白髮未除豪氣在醉吹橫笛坐榕陰



# 出縣

囁囁簿領不堪論  
出宿聊寬久客魂  
稻隴牛行泥活活  
埜塘橋壞雨昏昏  
槿籬護藥纔通徑  
竹笕分泉自遍村  
歸計未成留亦好  
愁腸不用遶吳門

# 還縣

霽色清和日已長  
綸巾蕭散意差強  
飛飛鷗鷺陂塘綠  
鬱鬱桑麻風露香  
南陌東村初過社  
輕裝小隊似還鄉  
哦詩忘却登車去  
枉是人言作吏忙

雨晴遊洞宮山天慶觀坐間復雨

近水松篁鎖翠微  
洞天宮殿對清暉  
快晴似為酴醾計  
急雨還妨燕子飛  
道士晝閒丹竈冷  
山童曉出藥苗肥  
拂床不用勤留客  
我困文書自怕歸

寄陳魯山

平生交遊中  
陳子我所敬  
初猶似豪舉  
晚乃抱淵靜  
獨觀心地初  
皎若虛室鏡  
人知自渠事  
道行君有命  
青衫二十年  
老色上鬚鬢  
偶然預收召  
瘦馬趣朝請  
退食輒

杜門不省求捷徑似聞石渠書雌黃久未定丁字猶恨  
曲朋字竟須正願君試思之魚魯何足訂

### 航海

我不如列子神遊御天風尚應似安石悠然雲海中臥  
看十幅蒲彎彎若張弓潮來湧銀山忽復磨青銅飢鶻  
掠船舷大魚舞虛空流落何足道豪氣蕩肺胸歌罷海  
動色詩成天改容行矣跨鵬背弭節蓬萊宮

海中醉題時雷雨初霽天水相接也

羈遊那復恨奇觀有南溟浪蹴半空白天浮無盡青吐  
吞交日月湏洞戰雷霆醉後吹橫笛魚龍亦出聽

溪行

蓬弱鳴春雨帆蒲掛暮煙買魚尋近市覓火就隣船愁  
卧醒還醉灘行却復前長年殊可念力盡逆風牽

又

冒雨牽何急爭風力不餘逢人問虛市計日買薪蔬煙  
寺高幡出山畬一老鋤枕書醒醉裏短髮不曾梳

自來福州詩酒殆廢北歸始稍稍復飲至永嘉括  
蒼無日不醉詩亦屢作此事不可不記也

尊酒如江綠春愁抵草長但令閒一日便擬醉千場柳  
弱風禁絮花殘雨漬香客遊還役役心賞竟茫茫

東陽道中

風歌烏帽送輕寒雨點春衫作碎斑小吏知人當著句  
先安筆硯對溪山

東陽觀醑醺

福州正月把離杯已見醑醑壓架開吳地春寒花漸晚  
北歸一路摘香來

送李德遠寺丞奉祠歸臨川

送騎擁東城煙帆如鳥輕道行端有命身隱更須名肝  
食煩明主邊沙暗舊京臨分一襟淚不獨為交情

送王嘉叟編修出佐南昌

玉殿求衣早鸞臺退食遲君看多故日寧是棄言時小  
作南州計方觀急詔追歸來上霄漢莫遣此心移

送王龜齡著作赴會稽大宗丞

有越踰千載何人不宦遊向來惟一范真足壯吾州高  
躅今誰繼先生獨再留登堂吊興廢想像氣橫秋

又

大將上兵符軍容備掃除恭惟陛下聖方采直臣書忽  
報分司去還尋入幕初宗藩雖舊識莫遣得親疎

送杜起莘殿院出守遂寧

羽檄聯翩晝夜馳臣憂顧不在邊陲軍容地密寧當議

陛下恩深不忍欺白簡萬言幾慟哭青編一傳可前知  
平生所學今無負未歎還鄉兩鬢絲

和曾待制遊兩山

翰林碑立崔嵬上待制詩題杳靄間人天八萬四千壺  
便合推為第一山

右題育王山明月堂

疎鐘迎客到溪亭碧瓦朱欄相照明想得松陰排萬衲  
籃輿放處恰詩成



右題天章山宿鷺亭

攀石捫蘿到更幽，玲瓏咫尺嬾窮搜。  
旁人不曾當時意，為欠門生作伴遊。

右題天章山更幽亭，且以未到玲瓏為恨。

雨中出遊夜歸

小雨南山路，今朝思出遊。  
難從子規請，寧遣竹雞憂。  
野店寒饒柿，煙津晚喚舟。  
歸來對燈火，未恨溼衣裘。

謝李平叔郎中問疾

吏部朝回早幽人病始蘇過門迂問訊歌枕聽傳呼緣  
瘦重裁帽因衰學染鬚投詩發公笑試想此形模

聞武均州報已復西京

白髮將軍亦壯哉西京昨夜捷書來閨餘敢作千年計  
天意寧知一日回列聖仁恩深雨露中興赦令疾風雷  
懸知寒食朝陵使驛路梨花處處開

喜小兒輩到行在

阿綱學書蚓滿幅阿繪學語鶯囀木截竹作馬走不休

小車駕羊聲陸續書窗浣壁誰忍嗔唬嘯也復可憐人  
却思鐵馬飲江水敢道春風無戰塵傳聞敵棄兩京走  
列城爭為朝廷守從今父子見太平花前飲水勿飲酒  
病起寄曾原伯兄弟

意象殊非昨筋骸劣自持衰如霜後木愁抵盎中絲風  
雪書來少江山夢到遲出門還惘惘倚杖獨移時

送湯岐公鎮會稽

吳越東西州浙江限其中黃旗高十丈大舟凌虛空都

人送留守郡吏迎相公江心波濤壯帳下鼓角雄樂哉  
公何憾廷論則未同永懷前年秋羣寇方嘯光閭左發  
薊北戈船滿山東舊盟顧未解誰敢嬰其鋒公時立殿  
上措置極雍容南荒竄驕將京口起元戎舊勲與宿貴  
屏氣聽指蹤規模一朝定強寇終歸窮當時謂易耳未  
見回天功及今始大服咨嗟到兒童天心佑社稷主聖  
肖祖宗旌節早來朝笑談折遐衝

周洪道學士許折贈館中海棠以詩督之

嬋嬋柔絲不自持  
夏禁日炙與風吹  
仙家見慣渾閒事  
乞與人間看一枝

送七兄赴揚州帥幕

初報邊烽照石頭  
旋聞鐵馬集瓜州  
諸公誰聽芻蕘策  
吾輩空懷畎畝憂  
急雪打窗心共碎  
危樓望遠涕俱流  
豈知今日淮南路  
亂絮飛花送客舟

閏二月二十日遊西湖

西湖二月遊人稠  
鮮車快馬巷無留  
梨園樂工教坊優

絲竹悲激雜清謳追逐下上莫始休外雖狂醒樂則不  
豈知吾暫淡相求酒肴取具非預謀青梅苦筍助獻酬  
意象簡樸足鎮浮尚慙一官自拘囚未免足馬從兩騶  
南山老翁亦出遊百錢自挂竹杖頭

劉太尉挽歌辭

要荒忘覆育師旅備非常南服夏旄節中軍鑄印章馳  
書諭燕趙開府冠侯王赫赫今何在門庭冷似霜要荒

又

堅壁臨江日人疑制敵疎安知百萬賊銳盡決旬餘智  
出常情表功如定計初云何媚公者不置篋中書

過林黃中食柑子有感學宛陵先生體

博士得黃柑甚愛不忍擘持獻太夫人遠附海上舶故  
山饒氛霧可使酒盃窄豈無荔枝好饜飫恐不摘相去  
三千里無異娛旁側乃知母子意更遠未嘗隔我昨往  
見君從容弄書冊藥分臘劑香茶泛春芽白主意顧未  
厭筐筥自搜索敢謂甘旨餘亦及此下客霜包纔三四

氣可壓千百重是慈孝物不敢吐其核甘寒雖遠齒悲  
感已橫臆半生無歡娛初不為湮阨

玉牒所迎駕望見周洪道舍人

自卜河橋宅清談喜屢陪今年見騰蹕不恨老氛埃曉  
放宮門鑰霜彫輦路槐班回獨小立為待繡鞍來

送梁諫議

湖海還朝白髮生嬾隨年少事聲名極知憂國人誰及  
細看無心語自平歸訪鄉人忘位重乍辭言責覺身輕



籃輿避暑雲門寺應過幽居聽水聲

游有菴居在雲門  
流泉遠屋諫議舊

所愛

賞

以石芥送劉韶美禮部劉比釀酒勁甚因以為戲  
古人重改陽城驛吾輩欣聞石芥名風味可人終骨鯁  
尊前真見魯諸生

又

長安官酒甜如蜜風月雖佳嬾舉觴持送盤蔬還會否  
與公新釀鬪端方

出都

重入修門甫歲餘又攜琴劍返江湖乾坤浩浩何由報  
犬馬區區正自愚緣熟且為蓮社客伴來喜對草堂圖  
西廂屋了吾真足高枕看雲一事無

曾原伯屢勸居城中而僕方欲自梅山入雲門今  
日病酒偶得長句奉寄

借得僧房似釣船兼旬散髮醉江天酒能作病真如此  
窮乃工詩却未然閒似白鷗雖自許健如黃犢已無緣

秋高更欲移家去先葺雲門屋數椽

村居

富貴功名不擬論且浮舴艋寄煙村生憎快馬隨鞭影  
寧作癡人記劍痕樵牧相諳欲爭席比鄰漸熟約論婚  
晨春夜績吾家舊正要遺風付子孫

看山

小葺茆茨紫翠間今年偷得半年閒門前木落須霜曉  
且看西南一角山

夏夜泛舟書所見

山房猶復畏炎蒸，長掩柴門媿老僧。  
兩槩去搖東浦月，一龕回望上方燈。  
驚飛宿鳥時呼侶，騰起長魚有脫罾。  
夜半歸來步松影，真成赤腳踏層冰。

秋陰

陂澤秋容淡，郊原曉氣清。  
雨來鳩有語，社近燕無情。  
拄杖扶腰痛，漁舟照眼明。  
苦吟緣病輟，隨意或詩成。

盆池

門外江濤湧雪堆埋盆作沼亦何哉兒曹不解渠翁意  
新脫風波嶮處來

比從人覓酒皆酸薄戲作此詩

酒盡聊憑折簡求不知人要博涼州牆隅棄置空三歎  
露下螢飛奈此秋

買魚

卧沙細肋何由得出水纖鱗却易求一夏與僧同粥飯  
朝來破戒醉新秋

又

兩京春薺論斤賣江上鱸魚不直錢  
斫膾擣香滿屋雨窗喚起醉中眠

秋雨

漫道秋來雨那無一日晴只供高枕卧  
不放小窗明書冊頻開闔山瓢任濁清  
長年諳世味不是故逃名

晨起偶題

城遠不聞長短更上方鐘鼓自分明  
幽居不負秋來睡

末路偏諳世上情  
大事豈堪重破壞  
窮人難與共功名  
風爐歛鉢生涯在  
且試新寒芋糲羹

悲秋

煙草淒迷八月秋  
荒村絡緯戒衣裘  
道人大欠修行力  
平地閒生爾許愁

寄張真父舍人

諸公方衮衮無地著  
斯人萬里夔州守  
中朝禁省臣孤  
帆秋上峽五馬曉班春  
想見懷明主登臨白髮新

又

天上紫微省鶯花繞直廬逢時身鼎貴憂國鬢先疎  
顛元當棄牽聯也得書猶能下榻否擬卜瀼西居

幽居

翳翳桑麻巷幽幽水竹居  
紉縫一獠婢樵汲兩蠻奴  
雨挾清砧急籬懸野蔓枯  
鄰村有鬻子吾敢歎空無

法寶璉師求竹軒詩

南軒竹色映谿光不減吾州五月涼  
猶恨秋來鷗鷺少



須君更為築橫塘

欲遊五峯不果往小詩寄瑩老

東來恨不見湯休千首清詩儻許求要與茶山燈下讀

莫令侍者作蠅頭

茶山老人  
謂曾侍制

謝王彥光提刑見訪并送茶

邇英帷幄舊儒臣肯顧荒山野水濱不怕客嘲輕薄尹  
要令我識老成人颿回鼓轉東城莫酒列橙香一笑新  
遙想解醒須底物隆興第一壺源春

送查元章赴夔漕

柳色西門路看公上馬時亦知人久別不奈自成悲  
白髮劉賓客青衫杜拾遺分留端有待剩賦竹枝詞

逍遙

臺省諸公日造朝放慵別駕媿逍遙州如斗大真無事  
日抵年長未易消午坐焚香常寂寂晨興署字亦寥寥  
時平更喜戈船靜閒看城邊帶雨潮

病中簡仲彌性唐克明蘇訓直

移疾還家暫曲肱依然耐久北窗燈心如澤國春歸雁  
身是雲堂旦過僧細雨佩壺尋廢寺夕陽下馬吊荒陵  
小留莫厭時追逐勝社年來冷欲冰

三君皆有  
歸志故云

### 送王景文

張公遂如此海內共悲辛劇賊猶遺種皇天奪老臣深  
知萬言策不愧九原人

君近嘗  
奏策

風雨津亭草辭君淚滿

巾

### 送呂彥升參謀

楚塞蕭條久宿師，參謀承詔上丹墀。  
苦言到口真當發，聖度如天莫自疑。  
萬里寄聲長不達，一尊相屬豈前期。  
遙憐霜曉朝衣冷，深愧江城睡足時。

无咎兄郡丞燕集有詩末章見及敬次元韵

城樓畫角吹晚晴，梅花墮地草欲生。  
綺盤翠杓春滿眼，我胡不樂君將行。  
君歸吾黨共增氣，往往怪我衰涕橫。  
我來江干舊交少，見君不啻河之清。  
北風共愛地爐暖，西日同賞油窗明。  
微吟劇醉不知倦，坐閱漢臘逾周正。

君文雄麗擅一世凜凜武庫藏五兵酸寒如我每自笑  
顧辱刻畫為虛聲乃知好士如好色遇合不必皆傾城  
君方與世作水鏡如此過許人將驚千金敝帚有定價  
周玉鄭鼠難強名失言議罰不可緩敬曰府主浮金觥  
君看失腳落塵土豈復毫髮餘詩情自傷但似路旁堠  
雨剝風摧供送迎

次韻无咎別後見寄

平日孟行不解辭長亭況是送君時幾行零落憎窗字

何限流傳樂府詩歸思恰如重醞酒歡情畧似欲殘棊  
龍蛇飛動無由見坐媿文園屬思遲

詩來彌月乃  
能和答故云

朱子雲園中觀花

我鬢忽已白君顏非復朱花前一盃酒不樂復何如莫  
看枝上花已覺不如早富貴當及時吾輩奈何老我歌  
君起舞竟日為君留安知花無情不解替人愁長安二  
三月花滿上林中祝君早得意歸轡聽琤琮

七月十四夜觀月

不復微雲滓太清浩然風露欲三更開簾一寄平生快  
萬頃空江著月明

夜宿陽山磯將曉大雨北風甚勁俄頃行三百餘  
里遂抵雁隨浦

五更顛風吹急雨倒海翻江洗殘暑白浪如山潑入船  
家人驚怖篙師舞此行十日苦滯留我亦蘆葦厭鳴舫  
書生快意輕性命十丈蒲帆百夫舉星馳電騖三百里  
坡隴聯翩雜平楚船頭風浪聲愈厲助以長笛檣鼉鼓

豈惟流漲震山嶽直恐瀕洞連后土起看草木盡南靡  
水鳥號鳴集洲渚稽首龍公謝風伯區區未禱煩神許  
應知老去負壯心戲遣窮途出豪語

望江道中

吾道非邪來曠野江濤如此去何之起隨鳥鵲初翻後  
宿及牛羊欲下時風力漸添帆力健艣聲常雜雁聲悲  
晚來又入淮南路紅樹青山合有詩

秋夜讀書每以二鼓壺為節



腐儒碌碌歎無奇，獨喜遺編不我欺。  
白髮無情侵老境，青燈有味似兒時。  
高梧策策傳寒意，疊鼓鼕鼕迫睡期。  
秋夜漸長飢作祟，一盃山藥進瓊糜。

往在都下時，與鄒德章兵部同居百官宅。  
無日不相從，僕來佐豫章。而德章亦謫高安，感事述懷作歌奉寄。

巷南巷北秋月明，東家西家讀書聲。  
官閒出局各無事，冷落往往思同盟。  
出門相尋索一笑，亦或邂逅因俱行。

黃中掀髯語激烈韶美堅坐書縱橫子充清言喜置酒  
赤梨綠柿相扶檠寒燈耿耿地爐暖宮門風順聞疎更  
故交一作霜葉散外物已付秋毫輕兩窮相遭世果有  
我與鄒子俱南征豫章高安本一郡挂帆起柁無三程  
簿書衮衮不少借懷抱鬱鬱何由傾明年君歸我亦去  
早卜三畝開柴荆軟紅舊路莫重蹋二升脫粟同煨鑪

寄會綿州楊齊伯左司

磊落人為磊落州滕王閣望越王樓欲憑夢去直虛語

賴有詩來寬旅愁我老一官書紙尾君行千騎試遨頭  
遙知小寄平生快春酒如川炙萬牛

送金州趙都曹

霜葉無停聲脂車有行色正悲南浦秋又送清湘客啼  
飢兒頰紅待養親髮白努力事上官世路日已迫

病中作

豫章瀕大江氣候頗不令孟冬風薄人十室八九病外  
寒客肺胃下溼攻腳脛俗巫醫不藝嗚呼安託命我始

屏藥囊治疾以清靜幻妄消六塵虛白全一性三日體  
遂輕成此不戰勝長年更事多苦語君試聽

夜夢從數客雨中載酒出遊山川城闕極雄麗云  
長安也因與客馬上分韻作詩得遊字

有酒不謀州能詩自勝侯但須繩繫日安用地理憂射  
雉侵星出看花秉燭遊殘春杜陵雨不恨溼貂裘

去年余佐京口遇王嘉叟從張魏公督師過馬魏  
公道免相嘉叟亦出守莆陽近辱書報魏公已葬

衡山感歎不已因用所遺拄頰亭詩韻奉寄

河亭挈手共徘徊萬事寧非有數哉黃閣相君三黜去  
青雲萬事一麾來中原故老知誰在南嶽新丘共此哀  
火冷夜窗聽急雪相思時取近書開

自詠示客

衰髮蕭蕭老郡丞洪州又看上元燈羞將枉直分尋尺  
寧走東西就斗升吏進飽諳箝紙尾客來苦勸摸牀稜  
歸裝漸理君知否笑指廬山古澗藤

廬山僧近寄  
藤杖甚奇

醉中歌

吾少貧賤真臞儒貪食嗜味老不除折腰歛版日走趨  
歸來聊以醉自娛長鉗巨榼羅盃盃不須漁翁勸三閭  
牛尾膏美如凝酥猫頭輪囷欲專車黃雀萬里行頭顱  
白鵝作鮓天下無潯陽糖蟹徑尺餘吾州之蔀尤嘉蔬  
珍盤餽釘百味俱不但項臠與腹腴悠然一飽自笑愚  
顧為口腹勞形軀投効行矣歸園廬莫厭糲飯嘗黃蘗  
寄陶茂安監丞

永州太守鬢毛殘，矍鑠猶能起據鞍。  
徵士雖思賦松菊，隱居未可挂衣冠。  
功名夢境元非實，歌舞山城且自寬。  
也勝鍾陵窮別駕，閉門無客遣憂端。

燒香

茹芝却粒世無方，隨食江湖每自傷。  
千里一身鳬泛泛，十年萬事海茫茫。  
春來鄉夢憑誰說，歸去君恩未敢忘。  
一寸丹心幸無愧，庭空月白夜燒香。

寒食臨川道中

百卉千花了不存  
墮溪飛絮看無痕  
家人自作清明節  
老子來穿綠暗村  
日落啼鴉隨野祭  
雨餘荒蔓上頽垣  
道邊醉飽休相避  
作吏堪羞甚乞墦

上巳臨川道中

二月六夜春水生  
陸子初有臨川行  
溪深橋斷不得渡  
城近臥聞吹角聲  
三月三日天氣新  
臨川道中愁殺人  
纖纖女手桑葉綠  
漠漠客舍桐花春  
平生怕路如怕虎  
幽居不省遊城府  
鶴軀苦瘦坐長飢  
龜息無聲惟默數



如今自憐還自笑，歛版低心事。年少儒冠未恨終，自誤  
刀筆最驚非素料。五更欹枕一悽然，夢裏扁舟水接天。  
紅蕖綠芰梅山下，白堦朱樓禹廟邊。

寄別李德遠

蕭蕭風雨臨川驛，邂逅連床若有期。自起挑燈貪夜話，  
疾呼索飯療朝飢。

皆記前日  
相從時事

即今明月共千里，已占深

林巢一枝惜別自嫌兒女態，夢騎羸馬度芳陂。

德遠所  
居名林

陂

又

李侯不恨世賣友陸子那須錢買山出牧君當千里去  
歸耕我判一生閒中原亂後儒風替黨禁興來士氣孱  
復古主盟須老手勉追慶厯數公閒

初夏道中

桑間甚熟麥齊腰鶯語惺惺野雉驕日薄人家晒蚕子  
雨餘山客買魚苗豐年隨處俱堪樂行路終然不自聊  
獨喜此身强健在又搖團扇著絺蕉

示兒子

父子扶攜返故鄉欣然擊壤詠陶唐墓前自誓寧非隘  
澤畔行吟未免狂雨潤北窗看洗竹霜清南陌課剝桑  
秋毫何者非君賜回首修門敢遽忘

重五同尹少稷觀江中競渡

楚人遺俗閱千年簫鼓喧呼鬪畫船風浪如山鯨鯢橫  
何心此地更爭先

過玉山辱芮國器檢詳留語甚勤因寄此詩兼呈

韓无咎右司

遼東歸老白襦裙名字何堪遣世聞便謂與公長契濶  
不知留語故慙懃詩章有便猶應寄祿米無多切莫分  
舊見檢詳俸甚薄故有此戲 倘見右司煩說似每因風月愴離羣

隨意

隨意上漁舟幽尋不預謀清溪欣始泛野寺憶前遊  
豈歲雞豚賤霜天柿栗稠餘生知有幾且置萬端憂

寄龔實之正言

臺省諸公歲歲新平生敬慕獨斯人山林不恨音塵遠  
夢寐時容笑語親學道皮膚雖脫落憂時肝膽尚輪囷  
至和嘉祐須公了乞向升平作幸民

遊山西村

莫笑農家臘酒渾豐年留客足雞豚山重水複疑無路  
柳暗花明又一村簫鼓追隨春社近衣冠簡朴古風存  
從今若許閒乘月拄杖無時夜叩門

觀村童戲溪上

雨餘溪水掠堤平閒看村童戲晚晴竹馬踉蹌衝淖去  
紙鳶跋扈挾風鳴三冬暫就儒生學

村人惟冬三月  
遣兒童入小學

千

耦還從父老耕識字粗堪供賦役不須辛苦慕公卿

### 雨霽出遊書事

十日苦雨一日晴拂拭拄杖西村行清溝泠泠流水細  
好風習習吹衣輕四鄰蛙聲已閣閣兩岸柳色爭青青  
辛夷先開半委地海棠獨立方傾城春工遇物初不擇  
亦秀燕麥開蕪菁薺花如雪又爛熳百草紅紫那知名

小魚誰取置道側細柳穿頰危將烹欣然買放寄吾意  
草萊無地蘇疲氓

殘春

殘春醉著釣魚菴花雨娛人落半巖豈是天公無皂白  
獨悲世俗異酸醎妄身似夢行當覺談口如狂未易緘  
已作沈舟君勿歎年來何止閱千帆

家園小酌

旋作園廬指顧成柳陰已復著啼鶯百年更把幾盃酒

一月元無三日晴鷗鷺向人殊耐久山林與世本無營  
小詩漫付兒曹誦不用韓公說有聲

又

滿林春筍生無數竟日鷓鴣來百回衣上塵埃真一洗  
酒邊懷抱得頻開池魚往者憂奇禍社櫟終然幸散材  
世事紛紛心本嬾閉門宜獨畏嫌猜

寄王嘉叟吏部

宿負煩公議隆寬荷聖時江湖真送老藥餌且扶衰撫



事驚年往懷人有夢知敢嗟貧到骨飲水誦君詩

嘉叟有漁

隱堂

詩

夜讀隱書有感

平生志慕白雲鄉俯仰人間每自傷倦鶴推頽寧望料  
寒龜感縮且支牀力探鴻寶尋奇訣剝采青精試祕方  
常鄙臞仙老山澤要令仰首看飛翔

上虞逆旅見舊題歲月感懷

舴艋為家東復西今朝破曉下前溪青山缺處日初上

孤店開時鷺亂啼倦枕不成千里夢壞牆間覓十年題  
漆園傲吏猶非達物我區區豈足齊

舜廟懷古

雲斷蒼梧竟不歸江邊古廟鎖朱扉山川不為興亡改  
風月應憐感慨非孤枕有時鷺喚夢斜風無賴客添衣  
千年回首消磨盡輸與漁舟送落暉

題十八學士圖

隋日昏曠東南傾雷塘風吹草木腥平時但忌黑色兒

不知乃有虬鬚生晉陽  
龍飛雲滃滃關洛萬里即日平  
東征歸來脫金甲天策開府延豪英  
琴書閒暇永清晝簪履光彩明  
華星高參伊呂列佐命下者才氣猶崢嶸  
但餘一恨到千載高陽繆公來竄名  
老奸得志國幾喪李氏誅徙連孤嬰  
向令亟念履霜戒危亂安得存勾萌  
衆賢一佞旣尚爾掩卷涕淚臨風橫

統分稻晚歸

出裏一簞飯歸收百把禾  
勤勞解堪忍餘暇更吟哦  
歲

惡增吾困家貧賴汝多村醪莫辭醉羹芋學岷峨

是日作芋羹

羹

又

薄酒不自酌夕陽須汝歸橘包霜後美豆莢雨中肥路  
遠應加飯天寒莫減衣老懷憂自切道眼看皆非

衰病

衰病不浪出閉門煙雨中葦花添絮暝葑火試爐紅

湖村

采老葑作火甚妙

仕宦螳螂夢功名馬耳風山翁但更事人看

作神通

又

病除猶老健雨止得冬晴  
覓句嗟心在鈔書試眼明朝  
寒添布褐晚步出柴荆  
外慕終無益兒曹且力耕

霜風

十月霜風吼屋邊  
布裘未辦一銖綿  
豈惟飢索隣僧米  
真是寒無坐客氈  
身老嘯歌悲永夜  
家貧撐拄過凶年  
丈夫經此寧非福  
破涕燈前一粲然

小酌

槃箸貧猶設杯盂老更耽宗文樹雞柵靈照挈蔬籃徑  
醉眼花亂高眠鼻息酣覺來寒日晚落葉擁茆菴

十月苦蠅

村北村南打稻忙浮雲吹盡見朝陽不宜便作晴明看  
撲面飛蠅未退藏

又

十月江南未擁爐癡蠅擾擾莫嫌渠細看豈是堅牢物

付與清霜為掃除

了頭巖見周洪道以進士入都日題字

烏巾白紵蹋京塵  
瑤樹瓊林照路人  
西省歸來名蓋代  
兩行墨色尚如新

獨學

師友彫零身白首  
杜門獨學就誰評  
秋風棄扇知安命  
小炷留燈悟養生  
踵息無聲酣午枕  
舌根忘味美晨烹

少年妄起功名念  
豈信身閒心太平

黃庭經間暇  
無事心太平

霜月

枯草霜花白寒窗月影新  
驚鴉時繞樹吠犬遠隨人  
出仕讒銷骨歸耕病滿身世  
間輸壞衲切莫勸冠巾

寄黃龍升老

讀書萬卷裂儒衣黃金可成  
棄不為快哉天馬不可羈  
開口便呼臨濟兒諸方蹴蹋  
莫支持吾州一老偶得之  
升嗣佛智裕公閉門夜付僧伽  
黎明日聲價羽檄馳弟子不  
必不如師黃龍所立尤瑰奇  
空山鬼火號狐狸築屋千礎



食萬緇癡人不解公遊嬉嫉怒欲碎門前碑世衰道喪  
士自欺山林亦復踐駭機長謠寄公公試思吾輩救此  
當何施

贈進賢劉令

簿領塵埃裏超然見鳳麟性疎忘顧忌學大有經綸正  
論雖頻接高標豈易親向來相識晚吾黨欠斯人

書室名可參或問其義作此告之

得福常廉禍自輕坦然無媿亦無驚平生祕訣今相付

只向君心可處行

寄訓楊齊伯少卿

楊卿人材金百鍊岐公座上初識面十年萬事不須說  
猶喜歸來且強健題詩想見初削瓜寄到茆堂已歸燕  
辭嚴意密敢輕讀呼兒炷燈重把卷即今相望幾千里  
何日蟬聯語忘倦就令有使即寄書豈如無事長相見  
酬妙湛閣黎見贈妙湛能棊其師璘公蓋嘗與先  
君遊云

昔侍先君故里時，僧中最喜老璘師。  
高標無復鄉人識，妙寄惟應弟子知。  
山店煎茶留小語，寺橋看雨待幽期。  
可人不但詩超絕，玉子紋枰又一奇。

次韻魯山新居絕句

求得軒車心愧天，不如窮死却陶然。  
君曾布衣尚可活，那有日興須萬錢。

又

短牆缺處插疎籬，巷劣容車車堂對陂。  
天下有公殊可賀，

坐中著我不妨奇

劍南詩豪卷一

謹案第五頁後三行庭中下午鵲按唐宋詩醇午

作乾

第八頁後一行怪我狂未瘳刊本未訛來今改

第二十三頁前六行肯顧荒山野水濱刊本肯訛

皆今改

第二十五頁前五行自傷但似路旁堠刊本似訛

以今改

第二十六頁後一行豈惟流漲震山嶽按唐宋詩

欽定四庫全書

醇流漲作澎湃





總校官庶吉士臣張能照  
校對官庶吉士臣羅修源  
謄錄監生臣南光普

欽定四庫全書薈要

集部

劍南詩藁卷二



詳校官助教臣謝登雋



欽定四庫全書薈要卷一萬五千四百九十二

集部

劍南詩藁卷二

宋 陸游 撰

自笑

自笑平生醉後狂，千鍾使氣少年場。那知病葉先摧落，  
却羨寒龜巧縮藏。藥物及時希老健，山家隨日了窮忙。  
凶年坐待新春麥，莫厭清吟雪夜長。

夜聞松聲有感

清晨放船落星石大風吹颿如箭激回頭已失廬山雲  
却上吳城觀落日夜深龍歸擘祠門入木數寸留爪痕  
明朝就視心尚慄腥風卷地雷霆奔歸船買酒特自慰  
性命平生驚屢戲固知神怒有定時波紋感作魚鱗細  
如今衰病卧林垞霜覆茆簷月滿庭松聲驚破三更夢  
猶作當時風浪聽

丙戌七月自京口移官豫章冒風濤  
自星子解舟不半日至吳城小龍山

十二月一日

病愈都忘老晴和已似春畦蔬青長甲塘水綠生鱗酒

盟論交密丹爐作夢新窮居那敢恨幸遠庾公塵

又

東風吹斗柄暖律變嚴凝草色迷殘燒溪流帶斷冰兒  
書春日勝女翦上元燈莫笑蒲龕睡山翁怯歲增

春日

老夫一卧三山下兩見城門送土牛貧舍春盤還草草  
莫年心事轉悠悠湖光漲綠分煙浦柳色搖金映市樓  
藥餌及時身尚健無風無雨且閒遊

又

久拋朝幘嬾重彈華髮蕭然二寸冠  
不恨淒涼侵晚境猶能語笑向春盤  
銀盃酒色家家綠箚笠煙波處處寬  
一片梅花無復在却嫌新煖換餘寒

僧房假榻

過盡青山喚渡船晚窗洗脚卧僧氊  
剝償平日清遊願更結來生熟睡緣  
吞啄漸稀如老鶴鳴聲已斷似寒蟬  
旁觀莫苦嘲癡鈍此妙吾宗祕不傳

聞雨

慷慨心猶壯蹉跎鬢已秋百年殊鼎鼎萬事祇悠悠不  
悟魚千里終歸貉一丘夜闌聞急雨起坐涕交流

休日有感

少年從宦地休日喜無涯坐上強留客街頭旋買花開  
軒催汛掃脫帽共誼譁村巷朋遊絕逢春祇自嗟

題徐子禮宗丞自覺齋

末俗紛紛只自謾惟公肯向靜中觀閒看此事從何得

正自它人著力難  
茶熟松風生石鼎  
香殘雲縷遶蒲團  
江湖多少癡禪衲  
蹋破青鞵覓話端

送張叔潛編修造朝

此士名高北斗南  
眼中獨許我同參  
囘囘却作臨分恨  
一月何曾笑二三

又

簡牘清閒勝校讐  
題詩應肯寄夔州  
東厨羊美聊堪飽  
北面鈴稀莫強愁

又

北窗銅碾破雲腴  
捫腹脩然一事無  
安用雁行排院吏  
正須魚貫看奚奴

又

芒屨年來漸嬾穿  
閉門日日只高眠  
今朝出送張夫子  
借得南隣放鴨船

有感

雲崦重重不易尋  
庖厨性命走山林  
但令有月同幽夢

更用何人識苦心流輩漸稀知死近鬢毛無色覺愁侵  
平生自許忘情者頗怪燈前感慨深

澗松

藥出山來為小草楸成樹後因長藤澗松鬱鬱何勞歎  
却是人間奈廢興

將赴官夔府書懷

病夫喜山澤抗志自年少有時緣龜飢妄出山鶴料亦  
嘗廁朝紳退懦每自笑正如怯酒人雖愛不敢醕一從



南昌免五歲嗟不調朝廷每哀矜幙府誤辟召終然歛  
孤迹萬里遊絕徼民風雜夷徭封域近六詔淒涼黃魔  
宮峭絕白帝廟又嘗聞此邦野陋可嘲誚通衢舞竹枝  
譙門對山燒浮生一夢耳何者可慶吊但愁癭累累把  
鏡羞自照

癭民多癭無者  
十財一二耳

### 送芮國器司業

此心知我豈非天雙鬢皤然氣浩然曾見灰寒百僚底  
真能山立萬夫前洛城霜重聽宮漏雲水雲深著釣船

拈起吾宗安樂法人生何處不隨緣

又

往歲淮邊寇未歸諸生合疏論危機人材衰靡方當慮  
士氣崢嶸未可非萬事不如公論久諸賢莫與衆心違  
還朝此段宜先及豈獨遺經賴發揮

春陰

春風浩蕩作春陰弱燕歸來不自禁白堊昏昏纔半露  
青山淡淡欲平沈  
裊細雨初驚溼屐齒新泥忽已深

直怕樓高生客恨不因病起倦登臨

投梁叅政

浮生無根株志士惜浪死雞鳴何預人推枕中夕起游  
也本無奇腰折百僚底流離鬢成絲悲咤淚如洗殘年  
走巴峽辛苦為斗米遠衝三伏熱前指九月水回首長  
安城未忍便萬里袖詩叩東府再拜求望履平生實易  
足名幸污黃紙但憂死無聞功不挂青史頗聞兵戈亂  
天意怒未已何時嫖姚師大刷渭橋恥士各奮所長儒

生未宜鄙覆瓿草軍書不畏寒墮指

宿楓橋

七年不到楓橋寺客枕依然半夜鐘  
風月未須輕感慨巴山此去尚千重

晚泊

半世無歸似轉蓬今年作夢到巴東  
身遊萬死一生地路入千峰百嶂中  
鄰舫有時來乞火鼓祠無處不祈風  
晚潮又泊淮南岸落日啼鴉戍堞空

金山觀日出

繫船浮玉山，清晨得奇觀。  
日輪擘水出，始覺江面寬。  
遙波撼紅鱗，翠靄開金盤。  
光彩射樓堦，丹碧浮雲端。  
詩人窘筆力，但詠秋月寒。  
何當羅浮望，湧海夜未闌。

吊李翰林墓

飲似長鯨快吸川，思如渴驥勇奔泉。  
客從縣令初何有，醉忤將軍亦偶然。  
駿馬名姬如昨日，斷碑喬木不知年。  
浮生今古同歸此，回首桓公亦故阡。

桓溫冢亦在當塗

雨中泊趙屯有感

歸燕羈鴻共斷魂  
荻花楓葉泊孤村  
風吹暗浪重添纜  
雨送新寒半掩門  
魚市人煙橫慘淡  
龍祠簫鼓鬧黃昏  
此身且健無餘恨  
行路雖難莫更論

黃州

局促常悲類楚囚  
遷流還歎學齊優  
江聲不盡英雄恨  
天意無私草木秋  
萬里羈愁添白髮  
一帆寒日過黃州  
君看赤壁終陳迹  
生子何須似仲謀

武昌感事

百萬呼盧事已空，新寒擁褐一衰翁。  
但悲鬢色成枯草，不恨生涯似斷蓬。  
煙雨淒迷雲夢澤，山川蕭瑟武昌宮。  
西遊處處堪流涕，撫枕悲歌興未窮。

夜思

露泣啼螢草潮生，宿雁汀經年寄孤舫。  
終夜託丘亭楚澤無窮白，巴山何處青。  
四方男子事不敢，恨飄零。

哀郢

遠接商周祚最長北盟齊晉勢爭強章華歌舞終蕭瑟  
雲夢風煙舊莽蒼草合故宮惟雁起盜穿荒冢有狐藏  
離騷未盡靈均恨志士千秋淚滿裳

又

荊州十月早梅春徂歲真同下阪輪天地何心窮壯士  
江湖從古著羈臣淋漓痛飲長亭莫慷慨悲歌白髮新  
欲吊張華無處問廢城霜露溼荆榛

江陵道中作



山川雜吳楚氣候接秋冬水落魚可拾霜清裘欲重鄉  
遙歸夢短酒薄客愁濃白帝何時到高吟酌卧龍

石首縣雨中繫舟戲作短歌

庚寅去吳西適楚秋晚孤舟泊江渚荒林月黑虎欲行  
古道人稀鬼相語鬼語亦如人語悲楚國繁華非昔時  
章華臺前小家住茆屋雨漏秋風吹悲哉秦人真虎狼  
欺侮六國囚侯王亦知興廢古來有但恨不見秦先亡  
開窗酌汝一盃酒等為亡國秦更醜驪山豕破已千年

至今過者無傷憐

初寒

船尾寒風不滿旗  
江邊鼓祠常掩扉  
行人畏虎少晨起  
舟子捕魚多夜歸  
茆葉翻翻帶宿雨  
葦花漠漠弄斜暉  
傷心到處聞砧杵  
九月今年未授衣

醉歌

老夫檣竿插蒼石  
水落岸沙痕數尺  
江南秋盡木搖落  
槲葉離離楓葉赤  
楚人自古多悲傷  
道傍行歌猶感激

野花碧紫亦滿把澗果青紅正堪摘客中得酒薄亦好  
江頭爛醉真不惜千古興亡在目前鬱鬱關河含暝色  
飢鴻垂翅掠舟過此意與我同悽惻三撫闌干恨未平  
月明正照顏烏幘

秋風

秋風吹客檣節物歎遐方歲事忽云莫吾行殊未央霜  
清漢水綠日落楚山蒼此去三巴路無猿亦斷腸

塢子磯

塢子磯前艇子橫一窗秋月為誰明青山不減年年恨  
白髮無端日日生七澤蒼茫非故國九歌哀怨有遺聲  
古來撥亂非無策夜半潮平意未平

重陽

照江丹葉一林霜折得黃花更斷腸商略此時須痛飲  
細腰宮畔過重陽

早寒

沔鄂猶殘暑荆巫已早寒潦收灘正白霜重葉初丹節

物元非惡情懷自鮮歡莫年更世事唯有醉江干

公安

地曠江天接沙隕市井移避風留半日買米待多時蝶  
冷停菰葉鷗馴傍艣枝昔人勲業地搔首歎吾衰

縣有呂子

明舊城

沙頭

游子行愈遠沙頭逢暮秋孫劉鼎足地荆益犬牙州鼓  
角風雲慘江湖日夜浮此生應衮衮高枕看東流

大寒出江陵西門

平明羸馬出西門  
淡日寒雲久吐吞  
醉面衝風驚易醒  
重裘藏手取微溫  
紛紛狐兔投深莽  
點點牛羊散遠村  
不為山川多感慨  
歲窮遊子自消魂

江夏與章冠之遇別後寄贈

騎鶴仙人不可呼  
一樽猶得與君俱  
未應湖海無豪士  
長恨乾坤有腐儒  
壯歲光陰隨手過  
晚途衰病要人扶  
淒涼江夏秋風裏  
沉見新豐舊酒徒

題江陵村店壁

青旆三家市黃茆十里岡  
蓬飛風浩浩塵起日茫茫  
馳騁多從獸鉏耰少破荒  
行人相指似此路走襄陽

馬上

燈前薄飢陳鹽齏帶睡強  
出行江隄五更落月移樹影  
十月清霜侵馬蹄荒陂噉噉已度雁  
小市喔喔初鳴雞  
可憐萬里覓歸夢未到故山先自迷

水亭有懷

漁村把酒對丹楓水驛憑軒送去鴻道路半年行不到  
江山萬里看無窮故人草詔九天上老子題詩三峽中  
笑謂毛錐可無恨書生處處與卿同

移船

沙際舟街尾相依作四隣莫年多感慨分路亦酸辛折  
竹占行日吹簫賽水神無勞問亭驛久客自知津

將離江陵

莫莫過渡頭旦旦走隄上舟人與關吏見熟識顏狀癡



頑久不去常恐遭誚讓昨日倒檣竿今日聯百丈買薪  
備雨雪儲米滿瓶盎明當遂去此障袂先側望即今孟  
冬月波濤幸非壯潦收出奇石霧卷見疊嶂地嶮多崎  
嶇峽束少平曠從來樂山水臨老愈跌宕皇天憐其狂  
擇地令自放山花白似雪江水綠於釀竹枝本楚些妙  
句寄悽愴何當出清詩千古續遺唱

六言

三巴亦有何好萬里翩然獨尋本意為君說破消磨夢

境光陰

江上

江上霜寒透客衣  
閉窗羸卧不支持  
羈孤形影真相吊  
衰颯頭顱已可知  
潦縮穩經行雨峽  
竹疎賸見挂猿枝  
清樽可置須勤醉  
莫望功名老大時

旅食

霜餘漢水淺野迥  
朔風寒炊黍香浮甑  
烹蔬綠映盤心  
安失粗糲味美出  
艱難惟恨虛捐日  
無書得縱觀

滄灘

百夫正謹助鳴觴舟中對面不得語須臾人散寂無譁  
惟聞百丈轉兩車嘔嘔啞啞車轉急舟人已在沙際立  
霧歛蘆村落照紅雨餘漁舍炊煙溼故鄉回首已千山  
上峽初經第一灘少年亦慕宦遊樂投老方知行路難

松滋小酌

西遊六千里此地最淒涼騷客久埋骨巴歌猶斷腸風  
聲撼雲夢雪意接瀟湘萬古茫茫恨悠然付一觴

晚泊松滋渡口

此行何處不難難寸寸強弓且旋彎縣近歡欣初得菜  
江回徙倚忽逢山繫船日落松滋渡跋馬雲埋濫瀕關  
未滿百年均是客不須數日待東還

又

小灘拍拍鷓鴣飛深竹蕭蕭杜宇悲看鏡不堪衰病後  
繫船最好夕陽時生涯落魄惟耽酒客路蒼茫自詠詩  
莫問長安在何許亂山孤店是松滋

荆門冬夜

常飢龜老欲無腸，卧聽寒更自短長。  
香椀得閒聊作伴，酒盃因病頗相忘。  
有情窗罅恰通月，耐冷艣枝多得霜。  
歷盡風波知險阻，平生錯羨捕魚郎。

繫舟下牢溪游三游洞二十八韻

舊觀三峽圖，常謂非人情。  
意疑天壤間，豈有此崢嶸。  
畫師定戲耳，聊欲窮丹青。  
西游過沔鄂，莽莽千里平。  
昨日到峽州，所見始可驚。  
乃知畫非妄，却恨筆未精。  
及茲下

牢戍峰嶂畢自呈下入裂坤軸高騫插青冥角勝多列

峙擅美有孤撐或如釜上甑或如坐後屏或如倨而立

或如喜而迎或深如螺房或疎如窗櫺峨巍冠冕古姁

娜髻鬟傾其間絕出者虎搏蛟龍獐崩崖凜欲墮修梁

架空橫懸瀑瀉無底終古何時盈幽泉莫知處但聞珎

珮鳴怪怪與奇奇萬狀不可名久聞三游洞疾走忘病

嬰竇穴初漆黑偃僂捫壁行方虞觸蟄蛇頻見一點明

扶接困僮奴恍然出瓶罌穹穹厦屋寬滴乳成微泓題

名歐與黃雲蒼蒼蘚平穿林走驚麕拂面逢飛鼯息倦  
盤石上拾樵置茶鐺長嘯畲谷響清吟和松聲辭卑不  
堪刻猶足寄友生

三游洞前巖下小潭水甚奇取以煎茶

苔徑芒屨滑不妨潭邊聊得據匡床巖空倒看峯巒影  
礪遠中含藥草香汲取滿瓶牛乳白分流觸石珮聲長  
囊中日鑄傳天下不是名泉不合嘗

扇子峽山腹有草閣小亭極幽邃意其非俗人居

也

絕境慰人心誰家住玉岑  
亂雲生翠竇密雪灑青林  
高閣臨空豁孤亭隱邃深  
定知非俗士驢急不容尋

蝦蟆碚

不肯爬沙柱樹邊  
朶頤千古向巖前  
巴東峽裏最初峽  
天下泉中第四泉  
齧雪飲冰疑換骨  
掬珠弄玉可忘年  
清游自笑何曾足  
疊鼓鑿鑿又解船

黃牛峽廟



三峽東江流崖谷互吐納黃牛不負重雲表恣蹴蹋吳  
船與蜀舸有請神必畲誰憐馬遭刖百歲創未合施師  
浪犇走烹彘陳酒榼紛然餒神餘羹肉爭噉嚙空庭多  
落葉日莫聲颯颯奇文粲可辨高古篆籀雜村女賣秋  
茶簪花髻鬟匝襁兒著背上帖妥若在榻山寒雪欲下  
虎出門早闔我行忽至此臨風久鳴喏

過夷陵適值祈雪與葉使君清飲談枯蒼舊游既  
行舟中雪作戲成長句奉寄

卷二  
已楚夷陵酒最醇使君風味更清真少年恨不從豪飲  
薄宦那知託近隣本擬笙歌娛病客却催雨雪惱行人  
朝來凍手題詩寄莫笑歌斜字不勻

泊虎頭灘下

大舟已泊燈火明小舟猶行聞艣聲虎頭崔嵬鹿角橫  
人生實難君勿輕

過東濡灘入馬肝峽

書生就食等犇逃道路崎嶇信所遭船上急灘如退鷁

人緣絕壁似飛猱口誇遠嶺青千疊心憶平波綠一篙  
猶勝溪丁絕輕死無時來往駕舸舩

峽中小船  
謂之舸舩

### 新安驛

孤驛荒山與虎隣更堪風雪暗南津  
羈遊如此真無策獨立悽然默愴神  
木盞汲江人起早銀釵簇髻女粧新  
蠻風弊惡蛟龍橫未敢全誇見在身

### 秭歸醉中懷都下諸公示坐客

長謠為予說天涯四座聽歌且勿譁  
蠻俗殺人供鬼祭

敗舟觸石委江沙此身長是滄浪客何日能為飽暝家  
坐憶故人空有夢尺書不敢到京華

憩歸州光孝寺寺後有楚冢近歲或發之得寶玉  
劍佩之類

秭歸城畔躡斜陽古寺無僧晝閉房殘珮斷釵陵谷變  
苦茆架竹井間荒虎行欲與人爭路猿嘯能令客斷腸  
寂莫倚樓搔短髮剗題新恨付巴娘

飲罷寺門獨立有感

一邑無平土邦人例得窮淒涼遠嫁婦顛顛獨醒翁今

古闌干外悲歡酒醖中三巴不搖落搔首對丹楓

州有屈大

夫及明  
妃祠

### 泛溪船至巴東

谿船莫嫌迮船迮始相宜兩槳行何駛重灘過不知荒  
村寇相縣破屋屈平祠不奈新愁得啼猿挂冷枝

### 巴東遇小雨

暫借清溪伴釣翁沙邊微雨溼孤蓬從今詩在巴東縣

不屬灞橋風雪中

又

西遊萬里亦何為欲就騷人乞棄遺到此宛然詩不進  
始知才分有窮時

秋風亭拜寇萊公遺像

江上秋風宋玉悲長官手自葺茅茨人生窮達誰能料  
蠟淚成堆又一時

又

豪傑何心後世名材高遇事即崢嶸巴東詩句澶州策  
信手拈來盡可驚

巴東令廨白雲亭

冠公壯歲落巴蠻得意孤亭縹緲間常倚曲闌貪看水  
不安四壁怕遮山遺民雖盡猶能說老令初來亦愛閒  
正使官清貧至骨未妨留客聽潺潺

謁巫山廟兩廡碑版甚衆皆言神佐禹開峽之功  
而詆宋玉高唐賦之妄予亦賦詩一首

真人翳鳳駕蛟龍一念何曾與世同不為行雲求弭謗  
邨因治水欲論功翱翔想見虛無裏毀譽誰知溷濁中  
讀盡舊碑成絕倒書生惟慣謫王公

聞猿

瘦盡腰圍不為詩良辰流落自成衰也知客裏偏多感  
誰料天涯有許悲漢塞角殘人不寐渭城歌罷客將離  
故應未抵聞猿恨況是巫山廟裏時

瞿唐行



四月欲盡五月來峽中水漲何雄哉浪花高飛暑路雪  
灘石怒轉晴天雷千艘萬舸不敢過篙工施師心膽破  
人人陰拱待勢衰誰敢輕行犯奇禍一朝時去不自由  
山腹空有沙痕留君不見陸子歲莫來夔州瞿唐峽水  
平如油

入瞿唐登白帝廟

曉入大谿口是為瞿唐門長江從蜀來日夜東南奔兩  
山對崔嵬勢如塞乾坤峭壁空仰視欲上不可捫禹功

何巍巍尚覩鵠鑿痕天不生斯人人皆化魚鼃於時仲  
冬月水各歸其源濫瀕屹中流百尺呈孤根參差層顛  
屋邦人祀公孫力戰死社稷宜享廟貌尊丈夫貴不撓  
成敗何足論我欲伐巨石作碑累千言上陳躍馬壯下  
斥藥騾昏雖慚豪偉詞尚慰雄傑魂君王昔玉食何至  
歆雞豚願言采芳蘭舞歌薦清尊

登江樓

已過瞿唐更少留小船聊繫古夔州

瞿唐關即唐夔州也

簿書未

破三年夢杖履先尋百尺樓日暮雪雲迷峽口歲窮畚  
火照關頭野人不解微官縛尊酒應來此散愁

雪中卧病在告戲作

面裂愁出門指直但藏袖誰云三峽熱有此凜冽候殷  
勤愧雪片飛舞為我壽方驚四山積已見萬瓦覆豈惟  
寒到骨遂覺疾在膝地爐熾薪炭噤坐連昏晝梅花真  
強項不肯落春後俗人愛桃李苦道太疎瘦清芬終見  
賞此事非速售已矣吾何言高枕聽簷溜

雪晴

臘盡春生白帝城  
俸錢雖薄勝躬耕  
眼前但恨親朋少  
身外元知得喪輕  
日映滿窗松竹影  
雪消並舍鳥烏聲  
老來莫道風情減  
憶向煙蕪信馬行

玉笈齋書事

莫笑新霜點鬢鬚  
老來却得少工夫  
晨占上古連山易  
夜對西真五嶽圖  
叔夜曾聞高士嘯  
孔賓豈待異人呼  
睂間喜色誰知得  
今日新添火四銖

又

雪霽茆堂鐘磬清晨齋枸杞一杯羹隱書不厭千回讀  
大藥何時九轉成孤坐月魂寒徹骨安眠龜息浩無聲  
剡分松屑為山信明日青城有使行

時傳道人  
欲歸青城

記夢

夢裏都忘困晚途縱橫草疏論遷都不知盡挽銀河水  
洗得平生習氣無

懷西

千載瀼西路今年著脚行匆匆衰已具渺渺恨難平絕  
壁猿啼雨深枝鵲報晴亦知憂吏責未忍廢詩情

山寺

籃輿送客過江村小寺無人半掩門古佛負牆塵漠漠  
孤燈照殿雨昏昏喜投禪榻聊尋夢嬾為啼猿更斷魂  
要識人間盛衰理岸沙君看去年痕

峽漲時水高數十丈至冬盡落

蹋磧

鬼門關外逢人日蹋磧千家萬家出竹枝慘戚雲不動

劍器聯翩日將夕行人十有八九癭見慣何曾羞顧影  
江邊沽酒沙上臥峽口月出風吹醒人生未死信難知  
顛顚夔州生鬢絲何日畫船搖桂楫西湖却賦探春詩  
寒食

峽雲烘日欲成霞漲水生紋淺見沙又向蠻方作寒食  
強持卮酒對梨花身如巢燕年年客心羨游僧處處家  
賴有春風能領略一生相伴遍天涯

晚晴書事呈同舍

以下十七首  
皆試院作

魚復城邊夕照紅  
物華偏解惱衰翁  
巴鷲有恨啼芳樹  
野水無情入故宮  
許國漸疎悲壯志  
讀書多忘媿新功  
因君共語增惆悵  
京洛交遊欲半空

鄉中每以寒食立夏之間省墳客夔適逢此時悽然感懷

松陰繫馬啟朱扉  
粃粉青紅正此時  
守墓萬家猶有日  
及親三釜永無期  
詩成謾寫天涯感  
淚盡何由地下知  
富貴賤貧俱有恨  
此生長廢蓼莪詩



又

手持綠酒酌蒼苔  
今歲何由足馬來  
清淚不隨春雨斷  
孤吟欲和莫猿哀  
皂貂破弊歸心切  
白髮淒涼老境催  
誓墓只思長不出  
松門日日手親開

試院春晚

病思蕭條掩綠罇  
閒坊寂歷鎖朱門  
故人別久難尋夢  
遠客愁多易斷魂  
漫漫晚花吹灤岸  
離離春草上宮垣  
此生飄泊何時已  
家在山陰水際村

倚闌

故山未敢說歸期十口相隨又別離  
小雨初收殘照晚  
闌干西角立多時

自詠

朝衣無色如霜葉將奈雲安別駕何  
鐘鼎山林俱不遂  
聲名官職兩無多  
低昂未免聞雞舞  
慷慨猶能擊筑歌  
頭白伴人書紙尾  
只思歸去弄煙波

午興

漸轉廊腰日徐來峽口風飡漿便北客淖粥稱衰翁槐  
晚纖纖綠榴殘續續紅青輕仍飽食三歎愧無功

風雨中望峽口諸山奇甚戲作短歌

白鹽赤甲天下雄拔地突兀摩蒼穹凜然猛士撫長劍  
空有豪健無雍容不令氣象少渟滯常恨天地無全功  
今朝忽悟始歎息妙處元在煙雨中太陰殺氣橫慘澹  
元化變態含空濛正如奇材遇事見平日乃與常人同  
安得朱樓高百尺看此疾雨吹橫風

夜坐庭中

人靜風褰幔更闌露泣衣暗窗飢鼠齧空廡冷螢飛歲  
月背人去鄉閭何日歸脫巾還感歎殘髮不勝稀

新蔬

黃瓜翠苣最相宜上市登盤四月時莫擬將軍春薺句  
兩京名價有誰知

初夏懷故山

鏡湖四月正清和白塢紅橋小艇過梅雨晴時插秧鼓

蘋風生處采菱歌  
沈迷簿領吟哦少  
淹泊蠻荒感慨多  
誰謂吾廬六千里  
眼中歷歷見漁簑

初夏新晴

曲徑泥新晚照明  
小軒纔受一床橫  
翩翩乳燕穿簾影  
穀穀新篁解籜聲  
藥物屏除知病減  
夢魂安穩覺心平  
深居不恨無來客  
時有山禽自贊名

定拆號日喜而有作

小雨如絲落復收  
悄無人語但鳴鳩  
挽鬚預想諸兒喜

倒指猶為五日留滿按堆書惟引睡侵天圍棘不遮愁  
為農父子長相守誤計隨人學宦遊

睡起

時閉試院中  
已月餘矣

深閉重門謝簿書日長添得睡工夫水紋笛簟涼如洗  
雲碧紗幘薄欲無半吐山榴看著子新來梁燕見將雛  
夢回茗椀聊須把自掃桐陰置瓦爐

四月二十九日作

假館猶三日還家甫四旬昏眸雲霧隔衰鬢雪霜新尊

酒雖慵近

病目止酒

囊詩却未貧但愁門有客流汗強冠巾

苦熱

萬瓦鱗鱗若火龍日車不動汗珠融無因羽翮氛埃外  
坐覺蒸炊釜甑中石礪寒泉空有夢冰壺團扇欲無功  
餘威向晚猶堪畏浴罷斜陽滿野紅

拆號前一日作

飄零隨處是生涯斷梗飛蓬但可嗟稚子歡迎先入夢  
從兵結束待還家食眠屢失身多病憂愧相瘵髮易華

隔日寄聲為薄具石榴應有未開花

暴雨

風怒欲掀屋雨來如決隄孤燈映窗滅羈鳥就簷棲暑  
令方炎赫秋聲忽慘淒傳聞漲江水已斷漲東西

西廡雨後

香椀灰深微炷火茶鐺聲細緩煎湯百年浮世幾人樂  
一雨虛坐三日涼簾外微風斜燕影池邊殘照歛萱房  
紗幮石枕蕭然臥付與今宵幽夢長



急雨

陰雲屯硤口急雨過城頭  
白舫投沙峽青帘捲市樓  
漂搖爭闔戶壅溢共疏溝  
抽得驅蠅手題詩慰旅愁

晚晴聞角有感

暑雨初收白帝城  
小荷新竹夕陽明  
十年塵土青衫色  
萬里江山畫角聲  
零落親朋勞遠夢  
淒涼鄉社負歸耕  
議郎博士多新奏  
誰致當時魯二生

夏夜起坐南亭達曉不復寐

風露青冥近九秋脫巾扶杖冷颼颼曲闌影外巴山月  
畫角聲中楚塞愁巢燕並棲高棟穩潛魚時躍小池幽  
悠然坐待江城曉紅日將昇碧霧浮

夜登白帝城樓懷少陵先生

拾遺白髮有誰憐零落歌詩遍兩川人立飛樓今已矣  
浪翻孤月尚依然升沈自古無窮事愚智同歸有限年  
此意淒涼誰共語夜闌鷗鷺起沙邊

假日書事

萬萬西來為一飢坐曹日日汗霑衣但嫌憂畏妨人樂  
不恨疎慵與世違雕檻迎陽花併發畫梁避雨燕雙歸  
放懷始得閒中趣下馬何人又叩扉

林亭書事

吏退林亭夏日長烏紗白紵自生涼  
遠簷密葉惟三面覆水青萍錦一方  
約束蠻僮收藥富催呼稚子曬書忙  
平生幽事還拈起未覺巴山異故鄉

又

期會文書日日忙偷閒聊得卧方床  
花藏密葉多時在風度疎簾特地涼  
野艇空懷菱蔓滑冰盆誰弄藕絲長  
角聲喚覺東歸夢十里平湖一草堂

峽中絕  
無菱藕

遊臥龍寺

曉發魚復走瞿唐沙頭喚渡倚胡床  
峒人爭趁五更市我亦來追六月涼  
殘星欲盡尚厯落明河已淡餘蒼茫  
翻翻林表鴉鵲語渺渺煙邊鷗鷺行  
過江走馬十五里小寺殘僧真叢爾  
投鞭入門為一笑僻陋稱雄有如此

君不見天童徑山金碧浮虛空千衲梵唄層雲中

久病灼艾後獨卧有感

白帝城高莫柝傳幽窗搔首意蕭然江邊雲溼初橫雁  
牆下桐疎不庇蟬計出火攻傷老病卧聞鳶墮歎蠻煙  
諸賢好試平邊策歛退無心競著鞭

秋晚病起

心靜病良已脩然巾履輕灰深地爐煖日出紙窗明宿  
雨全消瘴新霜賸得晴井桐殊可念無葉送秋聲

## 秋思

魚復城邊逢雁飛，白頭羈客恨依依。  
遠遊眼底故交少，晚歲人間樂事稀。  
雲重古關傳夜柝，月斜深巷擣秋衣。  
官閒況是頻移疾，藥鼎熒熒卧掩扉。

## 一病四十日天氣遂寒感懷有賦

幽人病起鬢毛殘，硤口樓臺九月寒。  
莫肉又催孤夢斷，早霜初染一林丹。  
鄉閭乖隔知誰健，懷抱淒涼用底寬。  
麴米春香雖可醉，灤西新橘尚餘酸。

登城

簿領無時了登臨亦快哉樓危壓城起硤迤東江來病  
瘴拋書帙思鄉泥酒盃天寒水盡落灩澦已崔嵬

夔州重陽

夔州鼓角晚淒悲恰是幽窗睡起時但憶社醅按菊蕊  
敢希朝士賜萸枝山川信美吾廬遠天地無情客鬢衰  
佳日掩門君莫笑病來紗帽不禁吹

追懷曾文清公呈趙教授趙近嘗示詩

憶在茶山聽說詩親從夜半得玄機常憂老死無人付  
不料窮荒見此奇律令合時方帖安工夫深處却平夷  
人間可恨知多少不及同君叩老師

謝張廷老司理錄示山居詩

顓頊經年客瘴鄉把君詩卷意差強古人三語猶嗟賞  
況是珠璣滿錦囊

又

老覺人間萬事非但思茆屋映疎籬秋衾已是饒歸夢



更讀山居二十詩

秋晴欲出城以事不果

古人已云不可回  
今人日夜歸泉臺  
浮生細看只此是  
到死自苦何為哉  
矜名飾詐竟一世  
忍寒觸熱忘其骸  
不令金樽映翠杓  
坐待白骨生蒼苔  
清秋九月瘴如洗  
白鹽千仞高崔嵬  
荒庭落葉不可埽  
惟有叢菊爭先開  
灑西黃柑霜落爪  
溪口赤梨丹染腮  
熊肪玉潔美香飯  
鮓鱸花糝宜新醅  
南窗病起亦蕭散  
甚欲往探城西梅

一官底處不敗意正用此時持事來

南窗

留落逢知少疎慵迂俗多悶拈如意舞狂叩唾壺歌  
酒禁愁得金丹奈老何南窗好風月聊復此婆娑

遣興

酒量愁翻減詩聲老轉低日高羹馬齒霜冷駕雞栖已  
判功名迂寧論簿領迷賴無權入手軟弱實如泥

九月三十日登城門東望悽然有感

減盡腰圍白盡頭經年作客向夔州流離去國歸無日  
瘴癘侵人病過秋菊蕊殘時初把酒  
病中久止酒秋來方能少飲雁  
行橫處更登樓蜀江朝莫東南注我獨胡為淹此留

初冬野興

關北關南霜露寒  
溪東溪西山谷盤  
簞紋細細吹殘水  
竈背時時出小灘  
衰髮病來無復綠  
寸心老去尚如丹  
大讐未減時多事  
却為無才得少安

東屯呈同遊諸公

十月霜彫楓樹林清溪白石稱幽尋按行老子誅茆地  
惆悵孤臣許國心走馬平沙嫌路近傳盃小閣喜寒侵  
也思試索梅花笑凍筵踈踈欲不禁

別王伯高

冷落何人肯見尋斷弦塵匣愧知音傾家釀酒猶嫌少  
入海求詩未厭深簿書嘗衮衮中年光景易駸駸  
香匳贈別非無意共約跣趺看此心

書驛壁

猿呌鋪前雪欲作鬼門關頭路正惡泥深三尺馬蹄弱  
霜厚一寸客衣薄朝行過棧莫渡竿夜投破驛火煜爚  
人生但要無媿怍萬里竄身元不錯

又

硤中山多甲天下萬嶂千峰通一罅峒民無地習耕稼  
射麋捕虎連晝夜女兒薄命天不借青燈獨宿江邊舍  
犁明賣薪勿悲吒女生豈有終不嫁

醉中到白崖而歸

醉眼朦朧萬事空今年痛飲灑西東偶呼快馬迎新月  
却上輕輿御晚風行路八千常是客丈夫五十未稱翁  
亂山缺處如橫綫遙指孤城翠靄中

十二月十九日晚巫山送客歸回望西寺小閣縹  
緲可愛遂與趙郭二教授同遊抵夜乃還楚鄉偶  
得長句呈二君

送客沙頭落日催遙看重閣更同來清尊與悶都傾盡  
是日所攜酒俱飲盡倦馬和詩總勒回顚顚遠遊悲騎省豪華前

事記章臺歸時燈火參差晚自脫征衣拂帽埃

劍南詩豪卷二



謹案第十六頁前一行雲蒸蒼蘚平按平字複前  
第四韻

第二十四頁後六行粗妝青紅正此時刊本妝訛  
粧據楚辭改

欽定四庫全書





總校官庶吉士臣張能照

校對官庶吉士臣羅修源

謄錄監生臣南光普